

IO. FROBENIVS PIO LECTORI S. D.

Semper quidē mihi fuit hoc studio, lector optime, ut e nostra officina prodirent autores boni, præsertim ij, quorū lectio cōducatur ad bonos mores, ac pietatē. Atq; eū fructū teste Christo, non minus specto q̄ lucrū pecuniariū. Sed cū in omnibus pro mea uirili, conor, ut emendatos emittam in manus hominum, tum id nusq; acriori diligentia sum admissus, q̄ in hoc uolumine. quod quantum emolumentū sit allaturum nescio, certe plurimū hinc utilitatis ad Christianos omnes peruenturum, auxiliante Iesu Opt. Max. confido. Proinde nec meis laboribus pepercī, nec pecunijs. Quin & precibus & præmijs egi, ut castigatores adessent complures, haud uulgari doctrina præditi, & in primis Ioannes Oecolampadius Vinimontanus, præter integritatis ac pietatis commēdationem, insignis etiam theologus, triūq; linguarū egregie peritus, ipso quoq; Erasmo in hanc partem aduigilāte. Quos tamen oēs operis pietas ad hoc laboris pertraxit magis q̄ quæstus. Et exorientur fortasse, qui nostram imitentur ædificationem, ut hodie uel maxime uerum est illud Hesiodium *καὶ πῶχός πῶχός φρονία, ἔ τέκτομι τέκτωρ*. quod ego sane nō admodum iniquo feram animo, si modo meam fidem uel superēt, uel certe æquent. Verum plures sunt, quibus nihil refert q̄ emēdatos aut deprauatos emittāt codices, modo id suo faciant compendio. Quam obrem fac memineris lectoris plurimū interesse. Qui librum mendis undiq; scatentem habet, certe nō habet librum sed molestiam. Quin istos etiam imitatores admoneo, ne si temere negotium aggrediātur, autore superstite, mihiq; pro sua humanitate amicissimo, idem illis eueniat, quod nonnullis euenit, in priore Chiliadum ædificatione. Bene Vale lector, ac fruiere, tuoq; fauore uicissim adnitere, ut nostri conatus, qui ut p̄ij sunt, ut omnibus utiles, ita mihi non sint infelices.

Basilææ. sexto Calendas Martias. Anno

M. D. XVI.

XII Calendas Aprilis venit hic

Liber ad manus mei Joannis

nis Cincinij Lippi

ensis de Colonijs

a Werdenā,

Emptus

.ij.

aureis

tribusq; m̄q;

Colonijs